

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ
ՍՏԱՎՈՐ ՍԵՓԱԿԱՆՈՒԹՅԱՆ ԳՈՐԾԱԿԱԼՈՒԹՅԱՆ
ԲՈՂՈՔԱՐԿՄԱՆ ԽՈՐՀՐԴԻ
Ո Ր Ո Շ ՈՒ Մ
№ 76/09

Քաղ. Երևան

23 հոկտեմբերի 2009թ.

Հայաստանի Հանրապետության Էկոնոմիկայի Նախարարության մտավոր սեփականության գործակալության բողոքարկման խորհուրդը (այսուհետ՝ Նաև բողոքարկման խորհուրդ) հետևյալ կազմով՝ խորհրդի նախագահ Ա.Ֆ.Ազիզյան, անդամներ՝ Ա.Ս.Խաչիկյան, Ա.Ա.Տոնիկյան, Բ.Շ.Վարդանյան, Ա.Վ.Բաբայան և Լ.Ե.Ասցատրյան (քարտուղար), իր 2009թ. հոկտեմբերի 23-ի նիստում (արձանագրություն №74/3) քննարկեց «Նահապետ և Կ» ՍՊԸ-ի ներկայացուցիչ՝ ՀՀ արտոնաագրային հավատարմատար Ա.Նահապետյանի 2009թ. հուլիսի 14-ի դիմումը ALEN MAK AD (BG) ընկերության «ADVENTURE» (ՀՀ վկ.Ն7798) ապրանքային նշանի գրանցման գործողությունը չօգտագործման պատճառով Հայաստանի Հանրապետության տարածքում ԱՃՄԴ 03-րդ դասի ապրանքների համար վաղաժամկետ դադարեցնելու խնդրանքով:

Դիմողի փաստարկները հետևյալն են:

Դիմողը դիմումում նշել է, որ «Ապրանքային և սպասարկման նշանների, ապրանքի ծագման տեղանունների մասին» ՀՀ օրենքի (այսուհետ Նաև օրենք) 22-րդ հոդվածի 4-րդ մասի համաձայն «Ապրանքային նշանի գրանցման գործողությունը կարող է ցանկացած անձի դիմումի հիման վրա, բողոքարկման խորհրդի որոշմամբ, դադարեցվել վաղաժամկետ բոլոր ապրանքների, որոնց համար այն գրանցված է, կամ դրանց մի մասի նկատմամբ, եթե ապրանքային նշանի գրանցման թվականից հաշված 5 տարվա ընթացքում, կամ դիմումն ավելի ուշ ներկայացնելու դեպքում՝ դրան անմիջականորեն Նախորդող 5 տարվա ընթացքում այն ընդհանրապես չի օգտագործվել կամ օգտագործվել է ոչ ողջամիտ ծավալներով ապրանքային նշանի սեփականատիրոջ կամ օրենքի 26 հոդվածի համաձայն՝ լիցենզային պայմանագրով այդ իրավունքն ունեցող անձի կողմից: Ապրանքային նշանի օգտագործման ապացույցները ներկայացնում է դրա սեփականատերը կամ լիցենզային պայմանագրով տվյալ նշանի օգտագործման իրավունք ունեցող անձը:», և, ելնելով դրանից, խնդրել է վաղաժամկետ դադարեցնել Ն7798 գրանցման գործողությունը ՀՀ տարածքում, քանի որ «ADVENTURE» ապրանքային նշանը դիմումին Նախորդող 5 տարվա ընթացքում չի օգտագործվել հիշյալ դասի ապրանքների համար ՀՀ տարածքում:

Բողոքարկման խորհուրդը «Հայաստանի Հանրապետության Էկոնոմիկայի Նախարարության մտավոր սեփականության գործակալության բողոքարկման խորհուրդ բողոքների և դիմումների ներկայացման և քննարկման կարգի» 36-րդ կետի համաձայն 17.07.09թ. հետձանուցմամբ փոստային առաքմամբ տեղեկացրել է «ADVENTURE» (ՀՀ վկ.Ն7798) ապրանքային նշանի սեփականատեր՝ ALEN MAK AD (BG) ընկերությանը (AKTIONERNO DROUJESTVO “ALEN MAK” 148 VASIL Levski St. BG-4000 Plovdiv, BULGARIA) բողոքարկման խորհրդի կողմից ՀՀ արտոնագրային հավատարմատար

Ա.Նահապետյանի 2009թ. հուլիսի 14-ի դիմումը քննարկման ընդունելու, նիստի անցկացման թվականի (2009թ. սեպտեմբերի 15) և վայրի մասին՝ կցելով դիմումի պատճենը:

Ըստ հետ եկած համապատասխան ծանուցագրի նշանի սեփականատերը ծանուցումը ստացել է 2009թ. օգոստոսի 18-ին, սակայն բողոքարկման խորհրդի 2009թ. սեպտեմբերի 15-ի նիստին սեփականատիրոջ որևէ ներկայացուցիչ չի ներկայացել, ինչպես նաև բողոքարկման խորհուրդը դիմումի վերաբերյալ որևէ գրավոր արձագանք սեփականատիրոջից կամ նրա ներկայացուցչից չի ստացել: Հանգի առնելով ծանուցագրի ստացման թվականը և ենթադրելով, որ սեփականատերը, հնարավոր է, որ չի ունեցել բավական ժամանակ դիմումի վերաբերյալ իր նկատառումները բողոքարկման խորհուրդ ներկայացնելու համար, բողոքարկման խորհուրդը նպատակահարմար գտավ հետաձգել դիմումի քննարկումը՝ հնարավորություն ընձեռելով «ADVENTURE» (ՀՀ վկ.Ո7798) ապրանքային նշանի սեփականատեր ALEN MAK AD (BG) ընկերությանը բողոքարկման խորհուրդ ապացույցներ ներկայացնել Հայաստանի Հանրապետության տարածքում ԱՃՄԴ 03-րդ դասի ապրանքների համար նշված ապրանքային նշանի օգտագործման վերաբերյալ:

Չնայած դրան, որ ALEN MAK AD (BG) ընկերությունը նորից ծանուցվել է բողոքարկման խորհրդի կողմից ինչպես փոստով (AKTIONERNO DROUJESTVO “ALEN MAK” 148 VASIL Levski St. BG-4000 Plovdiv, BULGARIA), այդպես էլ ֆաքսով (+35932 95 33 66) և էլեկտրոնային փոստով contacts@alenmak.bg, սակայն բողոքարկման խորհրդի 2009թ. հոկտեմբերի 23-ի նիստին սեփականատիրոջ որևէ ներկայացուցիչ չի ներկայացել, ինչպես նաև բողոքարկման խորհուրդը դիմումի վերաբերյալ որևէ գրավոր արձագանք սեփականատիրոջից կամ նրա ներկայացուցչից չի ստացել:

Քննարկելով ներկայացված նյութերը բողոքում բերված հիմնավորումների շրջանակներում, բողոքարկման խորհուրդը հանգեց հետևյալ եզրակացության:

Օրենքի 22-րդ հոդվածի 4-րդ մասի համաձայն ապրանքային նշանի օգտագործման ապացույցները ներկայացնում է դրա սեփականատերը, տվյալ դեպքում՝ ALEN MAK AD ընկերությունը, պատշաճ ծանուցելու հնարավորությունները սպառված են, նկատի ունենալով 17.08.09թ. և 30.09.09թ. հետծանուցմամբ փոստային առաքմամբ և կապի այլ միջոցներով ընկերությանը ուղարկած ծանուցումները, սակայն ապրանքային նշանը ԱՃՄԴ-ի 03-րդ դասի ապրանքների համար ՀՀ-ում օգտագործելու վերաբերյալ որևէ փաստ, ապացույց կամ որևէ գրավոր արձագանք սեփականատիրոջից կամ նրա ներկայացուցչից այդպես էլ չի ներկայացվել: Հետևապես բողոքարկման խորհուրդը համարում է, որ «Նահապետ և Կ» ՍՊԸ-ի ներկայացուցիչ՝ ՀՀ արտոնաագրային հավատարմատար Ա.Նահապետյանի 2009թ. հուլիսի 14-ի դիմումում բերված փաստարկները հերքելու հիմքեր չկան, և դիմումը ենթակա է բավարարման:

Ելնելով դրանից և ղեկավարվելով օրենքի 22-րդ հոդվածի 4-րդ մասով, ինչպես նաև «Հայաստանի Հանրապետության առևտրի և տնտեսական զարգացման նախարարության մտավոր սեփականության գործակալության բողոքարկման խորհուրդ բողոքների և դիմումների ներկայացման և քննարկման կարգի» 80-րդ կետի 1-ին ենթակետով բողոքարկման խորհուրդը

Բավարարել «Նահապետ և Կ» ՍՊԸ-ի ներկայացուցիչ՝ ԶԶ արտոնաագրային հավատարմատար Ա.Նահապետյանի 2009թ. հուլիսի 14-ի դիմումը ամբողջովին և ALEN MAK AD (BG) ընկերության «ADVENTURE» (ԶԶ վկ.N7798) ապրանքային նշանի գրանցման գործողությունը Հայաստանի Հանրապետության տարածքում ամբողջովին վաղաժամկետ դադարեցնել ԱՃՄԴ 03-րդ դասի ապրանքների համար:

Բողոքարկման խորհրդի որոշումը կարող է «Ապրանքային և սպասարկման նշանների, ապրանքների ծագման տեղանունների մասին» ԶԶ օրենքի 28-րդ հոդվածի 3-րդ կետի համաձայն վիճարկվել դատական կարգով՝ այդ որոշումն ընդունելու օրվանից 6-ամսյա ժամկետում:

Բողոքարկման խորհրդի
Նախագահ

Ա.Ազիզյան